



Broj: 01-GV-02-746-1/19
Datum, 26.06.2019. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), na 29. sjednici Gradskog vijeća Grada Sarajeva, održanoj 26.06.2019. godine, **gradski vijećnik Velija Katica** uputio je **inicijativu** koja se odnosi na popravku asfalta na cesti od Obhodže prema spomen obilježju za 172 šehida i poginule borce Druge brdske brigade Prvog korpusa Armije Republike BiH na Borijama na području opštine Stari Grad, a koja je u prilogu ovog akta.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:
- Gradonačelniku
- evidenciji
- a/a

Velija Katica
Vijećnik u Gradskom vijeću Grada Sarajeva

Gradonačelnik Grada Sarajeva **Gosp. Abulah Skaka**

PREDMET: Vijećnička inicijativa

Poštovani gospodine gradonačelnice,

Pokrećem inicijativu da se izvrši popravka asfalta (krpljenje udarnih rupa) na cesti od Obhodže prema spomen obilježju za 172 šehida i poginula borca Druge brdske brigade 1. Korpusa Armije Republike Bosne i Hercegovine na Borijama na području općine Stari Grad.

Inicijativu upućujem Gradskoj upravi Grada Sarajeva da u saradnji sa Općinom Stari Grad i Direkcijom za ceste Kantona Sarajeva osigura sredstva i obnovi/ zakrpi navedeni asfaltni put.

Obrazloženje:

Nakon velikih proljetnih kiša na području Sarajeva oštećena je i cesta na putu prema Borijama, od Obhodže do Borija, na kojem se nalazi Spomen obilježje stradalim braniteljima Grada Sarajeva.

Na dužini od cca 800 metara nalaze se velike udarne rupe i u velikoj mjeri je otežan pristup vozilima platou Borija na kojem se nalazi Spomen obilježje, iz pravca Obhodže. Također na spomenutoj cesti u velikoj mjeri je jako strmi put, te na znatnoj dužini nema odbojnika a već su se dešavale saobraćajne nezgode, čak i slijetanje automobila u provaliju.

Osiguranjem dobre komunikacije između Grada Sarajeva, Općine Stari Grad i Direkcije za ceste Kantona Sarajeva izvršio bi se popravak ceste od Obhodže prema Borijama, te omogućio nesmetan pristup Spomen obilježju šehidima i poginulim borcima 2. Brdske brigade 1.Korpusa Armije Republike Bosne i Hercegovine, na koji dolaze učenici osnovnih i srednjih škola sa područja kako Općine Stari Grad, tako i cijelog Grada, udruženjima koji njeguju sjećanja na stradale pripadnike Armije Republike Bosne i Hercegovine tako i porodicama pripadnika Armije Bosne i Hercegovine kojima je Spomen obilježje i izgrađeno.

Borije su lokalitet koji obilježava mjesto sa kojega je izvršena najveća granatiranja čitavog Sarajeva a pogotovo zgrade Predsjedništva BiH, Vijećnice, Baščaršije itd. Sa lokaliteta Borija postoji snimak u kojem osuđeni ratni zločinac Ratko Mladić naređuje granatiranje „Velušića...“

Prema stanju na terenu neophodno je izvršiti slijedeće:

- „krpljenje“ udarnih rupa
- proširenje ceste na pojedinim tačkama u cilju omogućavanja mimoilaženja vozila

- postavljanje duplih odbojnika na opasnim strminama ceste
- postavljanje najmanje 3 upućujuća znaka (sa oznakom prema lokalitetu Borije) od Vijećnice, mosta na Obhodži, te u centru Obhodže.

Procjena je da vrijednost radova neće prelaziti 15.000 KM a navedena sredstava bi trebalo zajednički osigurati iz budžeta Grada Sarajeva, Općine Stari Grad i Direkcije za ceste.

U Sarajevu 26.06.2019. godine

Vijećnik prof.dr. Velija Katica,s.r.